

# **Landesbibliothek Oldenburg**

**Digitalisierung von Drucken**

**Samuelis De Cocceji, Henr. Fil. Sacræ Regiæ Majestatis  
Borussicæ Magni Cancellarii, A Consiliis Sanctioribus  
Status Et Rei Bellicæ, Ordinis Nigræ Aquilæ Equitis Etc.  
Jus Civile Controversum Ubi ...**

Opus Ad Illustrationem Compendii Lauterbachiani ...

**Cocceji, Samuel von**

**Lipsiæ, 1766**

LIB. XIV. TIT. V. Quod Cum Eo, Qui In Aliena Potestate Est, Negotium  
Gestum Esse Dicitur.

**urn:nbn:de:gbv:45:1-9044**

## QUOD CUM EO, QUI IN ALIE- NA POTESTATE EST, NEGOTIUM GESTUM ESSE DICITUR.

Qv. I. *An, si filiusf. suo nomine contraxit, executio contra eum differatur, quamdiu in potestate est?*

*Laut. pag. 247. verb. executio tantum &c.*

**A**FFIRM. Nam conveniri & cum eo agi quidem potest, tanquam cum patref. *l. 39. Obl. act.* at contra condemnatum non datur executio, nisi sui juris factus sit. *l. 5. pr. h.*

**EXC.** Si bona propria habeat, forte ex peculio castrensi, vel quasi castrensi, quia & adventitio extraordinario; *arg. d. l. 39.*

Qv. II. *An hodie usus sit hujus tituli?*

*Laut. pag. 247. verb. de hodie- no jure.*

**N**EG. *Groenwegen ad l. 2. & l. 9. C. h.* Ratio ejus hæc est, quia singularis illa Romanorum patria potestas in desuetudinem abiit, filiusque familias post annum 25. pro emancipato atque sui juris habetur, indeque contrahendo non patri, sed sibi, acquirit; unde concludit, filium moribus nostris cum effectu & in solidum ex suis contractibus conveniri posse: At cum sæpius jam demonstratum sit, patriam potestatem in Germania salvam esse, filiumque ex re patris negotiantem, non sibi, sed (etiam post annum 25.) patri acquirere, eadem æquitatis ratio intuitu beneficii competentis ex hoc titulo competentis manebit. Optime ita rem decedit *Dn. Stryk. U. M. h. §. 2.* Idque multo magis verum est, si filius hereditati renunciavit, etsi dissentiant *Groenw. d. l. Müller. ad Struv. h. §. 49. & Dn. Stryk. d. l.* qui putant durum esse, filium nomine patris vel in ejus utilitatem intuitu peculii profectitii contrahentem, & quidem scientibus id creditoribus, in tantum condemnari posse, ut saltem competentis remedium ipsi remaneat. Verum cum dispositio juris clara sit, tamdiu ei insistendum est, donec abrogatio rite probetur; Nec ulla hic subest iniquitas, utpote cum filius, si minor, & contrahendo læsus sit, restituatur in integrum, etiam quinquennio postquam major factus est: Si vero ut major contraxit, & quidem suo nomine, creditor ejus magis fidem secutus videtur quam patris.

LIB.



SENATUSCONSULTO  
MACEDONIANO.

Qv. I. *An contra foeminam & civitatem creditrices SCTum Macedonianum locum habeat?*

**A**FFIRM. Nam utrobique eadem ratio. *l. 15. h.*

**O**BJ. Quod & foemina & civitas sint æque privilegiatæ; at privilegiatus contra æque privilegiatum non utitur privilegio. *Laut. pag. 248 verb.*

**R**ESP. Imo non sunt æque privilegiatæ, nam foemina in intercessionibus, & civitates in restitutionum materia quidem sunt privilegiatæ, non vero in mutua pecunia: Neque in odiosis & lege prohibitis privilegia sunt extendenda. *cujuscunque sexus aut conditionis &c.*

Qv. II. *Si duo credunt filiosfamilias, an ad hoc, ut SCTum locum habeat, sufficit unius scientia?*

**N**EGATUR: si duo communiter credunt; tunc enim unusquisque pro parte tantum repetit, & sic unius scientia alteri nocere non debet. Secus ergo si correi sunt, nam hoc casu unusquisque in solidum repetit, indeque unius scientia alteri nocet, de quo est *l. 7. §. 7.* *Laut. pag. 248. verb. Si duo crederent.*

Qv. III. *An filius a patria potestate per dignitatem liberatus possit uti hoc SCTo?*

**N**EGATUR: Nam emancipatus, qualis quoque est, qui per dignitatem a patria potestate liberatur, sibi acquirit, & libere disponere potest, indeque tota ratio SCTi hic cessat, *arg. l. 1. h.* ubi dignitas per se non cessare facit SCTum, nisi sui juris quoque fiat: *arg. l. 3. §. f. ibi: dignitatem &c. h. t. arg. l. 1. pr. ibi: cujus in potestate fuisset &c.* Atque ita praxi obtinere testatur *Lauterb. p. 249. in pr. ibique Carpz. Sand. Busf. & Christ. Struv. h. §. 57. n. 1. Bach. ad Wesf. h. t. n. 7. & ad Treutl. Disp. 20. th. 7. lit. c. Vol. 1. Brunn. ad l. 1. h.*

**O**BJ. *Nov. 81.* Ubi dignitates liberant a patria potestate tantum quoad onera, non vero quoad commoda.

Cocc. J. C. P. I.

Bbb bb

RESP.

